

四庫全書

史部

欽定四庫全書考證

史部

卷三十八

之三十九

纂修官候補司業

臣王太岳

臣曹錫寶

謄錄拔貢生臣周愛蓮

欽定四庫全書考證

卷三十八

史部

伊洛淵源錄

名臣碑傳琬琰之集

慶元黨禁

京口耆舊傳

昭忠錄

唐才子傳

浦陽人物記

古今列女傳

嘉靖以來首輔傳

明名臣琬琰錄

明名臣琬琰續錄

百越先賢志

中州人物考

東林列傳

明儒言行錄

保越錄

兩漢博聞

通鑑總類

南史識小錄

北史識小錄

華陽國志

欽定四庫全書考證

伊洛淵源錄 宋朱子撰

卷六

張御史行狀間召父老使之教督子弟刊本督訛篤今
改

欽定四庫全書考證

卷三十八

名臣碑傳琬琰之集 宋杜大珪編

卷上二

寇忠愍公準旌忠之碑馬伏波郭尚父之功矣刊本脫
郭字據孫抃集增

卷上三

丁文簡公度崇儒之碑願一切如舊刊本願訛頭據廬
陵集改

卷上四

程文簡公琳旌勞之碑予有勞臣刊本予訛餘據廬陵

集改

卷上六

司馬文正公光忠清粹德之碑既用君實我後子先刊
本實訛寶據東坡集改

卷上十六

張忠定公詠神道碑較然著於人聽者猶未究悉刊本
悉訛息據安陽集改

卷上十八

張刺史綸神道碑翩彼飛鵝刊本鵝訛鳥據丹陽編改

卷上二十

范文正公仲淹神道碑因相與騰口刊本脫口字據廬陵集增

卷上二十七

趙樞密瞻神道碑列於太常藏之史官刊本缺太常二字據范祖禹集補

卷中十八

范忠文鎮墓志銘事當論其是非刊本事訛命據蘇文忠集改

卷中二十三

藤學士甫墓誌銘始見知於英宗而未及用刊本宗訛
祖據蘇文忠集改

卷中三十一

陳少卿希亮墓誌銘勒亟覲為良民刊本覲訛覲 又
陛下欲躋民富壽刊本躋訛跡並據范鎮集改

卷中三十九

賈令君注墓誌銘調主新建簿刊本新訛辛今改

卷中四十四

卷中四十九

李黃門清臣行狀其出漢將軍廣後者為涼武昭王舅
刊本涼訛梁據晉書改

卷中五十

韓丞相忠彥行狀陳四事以裨新政刊本陳訛除據畢
仲游西臺集改

卷中五十二

曾太師公亮行狀既得之何可不守刊本守訛中據曾
肇集改

卷中五十五

張忠獻公浚行狀二人感激願助因密其事刊本密訛
必據朱子大全改

卷下一

王中書全斌傳既居克定之全功克本居訛否據宋史
改

卷下二

張文定公齊賢傳但庶事適於治道則近之矣刊本但
訛早據宋史改

卷下十一

穎濱遺老傳上思慕聖德刊本慕訛崇據穎濱集改

慶元黨禁

宋滄州樵吏撰

待制以上薛叔似案薛叔似永嘉人原本闕今據宋史

補

黃黼原本黼訛黻今改

楊芳案芳兩朝綱目備要作方與此異

餘官黃灝原本脫今據兩朝綱目備要及宋元通鑑補
入

王厚之直顯謨閣案兩朝綱目顯謨作寶謨與此異

武臣范仲壬案宋元通鑑作危仲任與此異

欽定四庫全書考證

慶元黨禁

八

太學生林仲鱗案鱗兩朝綱目脩要作麟與此異

邵褒案宋史及兩朝綱目脩要俱作邵褒然與此異

余嘉案兩朝綱目脩要作余嘉與此異

熹講筵留身在乞施行前疏退則內批徑下朕閱耆艾

當此隆冬恐難立講已除卿宮觀可知悉時紹熙五

年甲寅冬閏十月十九日甲戌也案朱熹罷宋史繫

戌寅日與此異

侂冑欲用優人王喜為閤門祇候案王喜兩朝綱目脩

要作王熹與此異

侂冑遂以內批除謝深甫御史中丞原本脫去以除謝
深甫五字據兩朝綱目脩要增

有大理寺簿劉德秀者與侂冑深交乃諭中司令薦德
秀時近臣薦者甚衆侂冑下內批令用中司舉者德
秀既除監察御史其黨以次而進案兩朝綱目脩要
時近臣舉吳獵者甚多游仲鴻次之侂冑以內批令
兼用中司舉者一人於是德秀與獵並除與此詳畧
互異附訂於此

四月四日戊午詔呂祖儉朋比罔上送韶州安置案竄

呂祖儉宋史及兩朝綱目脩要俱繫丁巳日與此異
又案宋史五月戊子呂祖儉改送吉州安置原本不
載

紹熙間有布衣俞古上書狂悖案俞兩朝綱目脩要作
余與此異

德秀又劾國子博士孫元卿太學博士袁燮案素燮原
本訛作袁奕據兩朝綱目脩要改

二年正月二十日庚子趙汝愚歿於衡州案宋史書正
月庚子趙汝愚卒於永州兩朝綱目脩要同此云衡

州未詳孰是姑仍原文又庚子原本訛作丙子以上
二十四日甲辰逆推之則舛誤顯然今改

二十七日訃聞有旨復原官許歸葬案宋史書二月辛
酉詔追復趙汝愚官許歸葬以中書舍人吳宗旦言
罷之兩朝綱目脩要則云中書舍人汪義端檄還復
官歸葬之命皆與此互異

二月丁巳大理司直邵褒請明詔大臣自今權臣之黨
偽學之徒不得除在內差遣原本脫直字據宋史增
閏六月六日戊寅朝散大夫劉三傑免喪入見論偽學

之黨案劉三傑兩朝綱目脩要作劉珣宋元通鑑與此同惟入見上言繫甲午日

慶元四年戊午夏四月右諫議大夫姚愈上言近世行險僥倖之徒倡為道學之名案四年原本訛五年據宋史改又案是月請禁偽學宋史作右諫議大夫張金考姚愈因此上奏侂冑大喜遂遷兵部尚書御史中丞且當時攻偽學者有張釜無張金可証宋史之訛

中書舍人范仲藝草駁奏袖錄黃見侂冑案范仲藝宋

史韓侂冑傳作張仲藝與本紀互異當是史傳之訛
秋九月十一日甲子進士呂祖泰投匭上書案宋史呂
祖泰傳祖泰因周必大降少保致仕憤之乃上書請
誅侂冑事在嘉泰元年與此異

祖泰字泰然元祐戶部尚書公孺之五世孫也寓居無
錫縣案宋史列傳祖泰夷簡五世孫寓常之宜興與
此異

十月二十四日詔朱熹以次對致仕案朱子復職宋元
通鑑繫九月與此異

趙師曩時以列卿守臨安因進侂冑珠冠於是有工部侍郎之命正月十八日也案師曩之除宋元通鑑作八月案上文既載都市行燈事又有明日及翌日之言其為正月十八日無疑兩朝綱目備要作正月丙戌與此正同

辛酉改元秋八月己卯遂遣曩還蜀為諸軍都統制開邊之禍始此案吳曦為興州都統制宋史及兩朝綱目備要俱繫七日己巳日與此小異

開禧三年丁卯春正月二十八日甲辰曦僭位於興州

案曦之僭位宋史繫正月甲午日以丁丑朔推之則十八日也與此異

嘉定元年戊辰春二月詔趙汝愚盡復原官賜謚忠定朱熹依條與致仕遺表恩澤賜謚曰文案朱子賜謚宋史係嘉定二年十二月與此小異

京口耆舊傳 不著撰人姓氏

卷一

刁術傳出知潁州入為駕部員外郎案駕部宋史本傳
作比部與此互異

刁湛傳湛徙夔州路轉運使屬施州洞酋為邊患湛親
出與蠻歃血立誓黔中遂安案此條可補宋史之闕
又徙黃州再請分司西京遂歸老案宋史湛登進士
第刑部郎中與此互異 又卒於錢塘實皇祐元年
范公仲淹時守錢塘資其喪歸案宋史及宋名臣言

行錄稱仲淹皇祐二年領浙西據此則皇祐元年已
守錢塘

刁約傳至和中約論溫成皇后厚葬為非與吳元鞠真
卿同黜案宋史馮京傳但言吳充不當黜而不及約
與此互異

焦千之傳以殿中丞為樂清令又知無錫縣案蘇頌文
集有除國子監直講焦千之為大理寺丞勅一篇考
之此書千之未嘗除大理寺丞與頌集互異

卷二

米黻傳卒年五十七案蔡肇所作墓誌與此同宋史作
四十九誤

米友仁傳擢權工部侍郎敷文閣侍制卒案宋史本傳
云仕至兵部侍郎元至順鎮江志云官至戶部侍郎
與此互異

張扶傳除右正言改國子祭酒案宋史本紀紹興二十
五年徙右正言張扶出為他官與此書可以互考

卷三

邵飾傳知蘇州長洲縣通判處州就移知巴州案元至

順鎮江志飾知長洲之後即云改知巴州不云通判處州與此互異

邵必傳主上元簿擢國子監直講案歐陽修集有蘄州廣濟縣今充國子監直講邵必除大理寺丞制然則必官直講之前曾知廣濟直講之後又為大理寺丞與此可以互證

邵亢傳以資政殿學士出知越州徙鄭州又徙鄆州亳州案宋名臣琬琰錄亢徙鄆州又兼京東西路安撫使又遷禮部侍郎乃徙亳州與此詳畧互異

王存傳入樞密院編修經武要畧兼刪定諸房條例案
此與程俱麟臺故事合宋史及東都事畧皆缺載

卷四

蘇携傳紹興十年召為太常少卿案汪藻浮溪集蘇公
墓誌云公卒年七十六時紹興十年正月九日此云
紹興十年始召為太常少卿誤

洪興祖傳興祖與秦檜論乾坤二卦至陰疑於陽必戰
謂陰終不可勝陽猶臣終不可勝君檜以為譏已大
怒案宋史本傳不載此事此可補其缺

卷六

陳廓傳汰假版吏案假版吏名義不見於宋職官志惟燕翼貽謀錄有改假版官一條與此畧同後漢書百官志有假吏蓋吏之冗而可汰者也

卷八

譚知柔傳擢政和八年進士第案元至順鎮江志知柔政和二年進士第與此互異

卷九

李拱傳淳熙十一年再中博學宏詞科後三年卒於臨

安案此較元至順鎮江志加詳

昭忠錄 不著撰人名氏

張順條北舟布滿江面無隙可乘衆乘銳凡斷鍊鉅攢
棧數百原本脫隙字又棧訛我並據通鑑綱目增改
文天祥條并斥其姪師夔負國原本夔訛孟據通鑑綱
目改

唐才子傳

元辛文房撰

卷一

駱賓王傳武后時數上疏言事得罪貶臨海丞案舊唐書云賓王落魄無行好與博徒遊高宗末為長安主簿坐賊左遷臨海丞與此小異

陳子昂傳武后奇其才遂拜麟臺正字原本麟訛靈據舊唐職官志及文苑傳改

王翰傳案翰舊唐書作澣

張子容傳開元元年常無名榜進士為樂城令案今唐

詩紀事作尉與此互異

王灣傳開元元年常無名榜進士案唐詩紀事灣于先天時登進士第開元初為滎陽主簿與此互異

孫逖傳逖博州人案舊唐書以為潞州涉縣人唐詩紀事以為河南人惟新唐書以為博州武水人與此合又開元二年舉文藻宏麗科案舊唐書逖于開元十年始應制登文詞宏麗科非即開元二年事也

又擢集賢殿修撰改考功員外郎案舊唐書開元二十一年逖由太原從事入為考功員外郎集賢修撰

非由修撰改考功也

綦母潛傳潛荆南人案書錄解題以為南康人與此異
崔國輔傳開元十四年嚴迪榜進士案書錄解題稱國
輔與綦母潛儲光義皆開元十三年進士與此異
又累遷集賢直學士禮部郎中案新唐書藝文志注
國輔為禮部員外郎坐貶與此異

儲光義傳光義兗州人案新唐書藝文志注光義延陵
人與此異 又政論十五卷九經分義疏二十卷案
殷璠河嶽英靈集序稱光義有正論十五卷九經外

義疏二十卷與此稍異

王昌齡傳昌齡太原人案新唐書作江寧人與此異

又開元十五年李巖榜進士授汜水尉又中宏詞案
書錄解題以昌齡為開元十四年進士又新舊唐書
俱云昌齡第進士補校書郎又中宏詞遷汜水尉原
本舛訛又案書錄解題昌齡中宏辭在開元二十二
年又有詩集五卷詩中密旨一卷古樂府解題一
卷案新唐書藝文志不載詩中密旨樂府題解二書

卷二

王維傳開元十九年狀元及第案舊唐書維登開元九年進士第與此異

薛據傳據荆南人案唐詩紀事作河中寶鼎人與此異
又終水部郎中案唐詩紀事稱據終禮部侍郎與此異

高適傳適字達夫滄州人案唐書稱適係渤海蓐人與此異
又所選至德迄唐大厯詩為中興閒氣集案
中興閒氣集乃唐渤海高仲武所選仲武自序稱起
至德元年終大厯永年得作者二十六人而舊唐書

適傳稱卒於代宗永泰元年其明年始改元大歷則是集非適所選明矣考陸游集有中興間氣集跋云高適字仲武此乃明仲武非適也辛文房因游說而合仲武與適為一人舛誤殊甚

王之渙傳渙薊門人案唐書紀事作并州人與此異
包融傳融延陵人案舊唐書作湖州人與此異 又仕
歷大理司直案舊唐書融遇張九齡引為懷州司戶
集賢直學士與此異

孟雲卿傳雲卿關西人案唐詩紀事作河南人與此異

錢起傳集十卷案新舊唐書起詩一卷與此異

戎昱傳崔中丞在湖南欲以女妻之而不喜其姓戎能
改則訂議案唐詩紀事京兆尹李鑾擬以女嫁昱令
其改姓昱固辭與此異又昱曾登進士第原本亦失
載

卷三

嚴維傳仕終右補缺案唐詩紀事作仕終校書郎與此
異

耿緯傳案緯書錄解題稱唐登科記作緯

司空曙傳曙字文初案初書錄解題作明與此異

竇叔向傳叔向五子常牟羣庠鞏案五竇行次新唐書
藝文志注作羣常牟庠鞏與此不同考韓愈作竇牟
墓註云公一兄三弟常羣庠鞏與此合可訂新唐書
之訛

竇常傳常撰韓翃至皎然三十人詩為南薰集原本薰
訛董據新唐書藝文志改

竇庠傳出為婺登二州刺史案舊唐書庠歷信婺二州
刺史不言曾判登州

王建傳建字仲初案初陳振孫書錄解題作和與此異

卷四

戴叔倫傳上表請為道士未幾卒案新唐書叔倫遷容
管經畧使代還卒於道與此異

張又新傳娶楊虔州女案孟榮本事詩張與楊虔州齊
名張求室楊為求之非娶其女也原文舛誤 又自

著煎茶水記一卷原本脫煎字據新唐書藝文志增
李涉傳渤之仲兄也案書錄解題以渤為涉之弟與此
異

元稹傳十五擢明經對策第一案舊唐書稹年二十八
應制舉才識兼茂明於體用科登第者十八人稹為
第一非應明經時事也 又案獄東川還次敷水驛
中人仇士良至稹不讓邸案新舊唐書稹以監察御
史案獄東川尋分司東都詔召還次敷水驛乃有遇
仇士良事原本脫分司東都一節又中人仇士良案
舊唐書稹所遇者為中人劉士元此據新唐書與舊
唐書異

賈島傳案此傳兼采衆書如為浮屠名無本及去浮屠

舉進士云云則本新唐書得句云鳥宿池邊樹及一日宣宗微行云云則本唐遺史嘗跨蹇驢張蓋云云則本摭言而各書有極相牴牾者新唐書謂島於文宗時坐飛謗貶長江簿唐遺史則謂島以奪詩卷忤宣宗除長江主簿摭言又謂島遇武宗於定水精舍以肆慢授長江主簿考王楙野客叢書引蘇絳所撰墓誌云島沒于會昌癸亥歲則宣宗之世島沒久矣又時新及第案新唐書島累舉不中第此謂島及第未知何據又乃授遂州長江主簿案此本新唐

書書錄解題又稱島官長江尉與此異

殷堯藩傳元和九年韋貫之放榜堯藩落第案書錄解題以堯藩為元和元年進士與此異

張祐傳晚與白樂天日相聚讌謔樂天譏其憶柘枝云
乃歎頭詩耳案歎頭撫言作問頭與此異

卷五

許渾傳渾字仲晦案仲書錄解題作用與此異又潤
州丹陽人案唐詩紀事作睦州人與此異

雍陶傳閨門客到常如病滿院花開未是貧案范攄雲

溪友議作閉門賓到常推病滿院花開不似貧 又
江聲秋入峽雨色夜侵樓案峽雲溪友議作寺並與
此異

李商隱傳開成二年擢進士又中拔萃案舊唐書商隱
中書判拔萃在會昌二年非開成時也 又因投宿
逆旅賦木蘭花詩案楓齋集以此詩為陸龜蒙作又
西溪叢語云唐末館閣諸公泛舟以木蘭為題忽一
貧士登舟作詩云洞庭春水綠於雲日日征帆送遠
人曾向木蘭洲上過不知元是此花身諸公大驚物

色之乃義山之魄說甚荒誕原本以為義山生前所作未知何據

溫庭筠傳令狐綯又嘗問王條脫事對以出南華經案唐詩紀事云宣宗賦詩欲用金步搖而未能對庭筠以玉條脫對之又云令狐綯曾以舊事訪庭筠庭筠有事出南華之對本係兩事原文牽合為一殊舛誤趙嘏傳嘏字承祐案唐詩紀事嘏字永祐與此異又會昌二年鄭言榜進士案書錄解題以嘏為會昌五年進士與此異

李宣古傳岐陽公主素惜其才原本岐陽訛長林據新
唐書杜棕傳改

卷六

曹鄴傳仕至洋州刺史句原本洋州訛揚州據新唐書
藝文志注改

沈光傳有詩集及雲夢子五卷案新唐書藝文志光集
五卷題曰雲夢子非有兩書也原文舛誤

司空圖傳圖字表聖河中人案舊唐書作臨淄人又
大中時為商州刺史案新舊唐書大中時為安邑兩

池權鹽使不言其刺商州惟舊唐書載王凝知舉後
貶商州刺史圖往從之原文恐因此而誤 又名其
亭曰三休案舊唐書亭本名濯纓圖改名休休與此
異

卷七

羅隱傳隱錢塘人也案吳越備史作新登縣人與此異
又深怨唐室詩文多以譏刺為主案隱在梁時累
徵不起且勸錢鏐討溫可謂忠于唐者原本殊未允
協

唐彥謙傳尊崇工部唐人效甫者惟彥謙一人而已案
彥謙所著在晚唐僅當中駟未能窺杜甫門廡也原
文揄揚失實

崔魯傳案魯全唐詩及撫言俱作櫓唯宋史藝文志作
魯與此合 又廣明間舉進士案唐詩紀事魯大中
進士與此異

李洞傳送僧遊南海云島嶼分諸國星河共一天案此
詩撫言以為送人歸日本之作與此異

韓偓傳天祐二年復召為學士原本二訛六據新唐書

改

張鼎傳鼎著唐詩主客圖案直齋書錄解題唐詩主客
圖唐張為撰此云鼎作未知何據

李中傳為新塗淦陽吉水三縣令原本淦訛淦據孟賓
于碧雲集序改

卷八

盧鴻傳案盧鴻舊唐書作盧鴻一與此異

盧仝傳范陽人案書錄解題作洛陽人與此異

方干傳初李頻學干為詩頻及第詩僧清越賀云弟子

已折桂先生猶灌園案唐詩紀事以此二語為貫休
贈干詩與此異

吳筠傳筠華陰人案舊唐書云筠魯中之儒士也與此
異

陳陶傳開寶間有樵者入深谷猶見無恙後不知所終
案此蓋本龍衮江南野錄然考蔡寬夫詩話云唐末
曹松方干之徒皆有哭陶詩則陶之死久矣衮說恐
無所據

皎然傳顏真卿嘗於郡齋集文士撰韻海鏡源原本鏡

訛敬據新唐書藝文志改

薛濤傳武元衡入相奏授校書郎案陳振孫書錄解題
云世號奏授恐無是理殆一時州鎮褒借為戲耳足
訂原文之誤

魚玄機傳及笄為李億侍寵夫人妒不能容有怨李詩
云易求無價寶難得有心郎案唐詩紀事以此二句
為玄機以事下獄後詩別本又作贈隣女詩俱與此
異

浦陽人物記

明宋濂撰

卷下

錢適條除利州路提點刑獄原本脫州字據宋史增

吳萊條立夫琅然誦之至終篇不遺一字原本篇訛第
今改

古今列女傳

明解縉等撰

卷一

班婕妤傳每誦詩及窈窕德象女師之篇原本象訛字
據通志改

卷二

魯敬姜傳師尹維旅牧相原本師上衍使字又脫相字
又其何以避辟原本脫避字並據國語刪增

嘉靖以來首輔傳

明王世貞撰

卷一

費宏傳石瑤最晚入刊本瑤訛瑤據明史改

卷二

黃宗明字誠甫刊本缺誠甫二字據明史補

廖紀字時陳刊本缺時陳二字據明史補

彭澤字濟物蘭州人刊本脫濟物蘭州四字據明史補

卷八

申時行傳是時抗居正者穆思孝鄒元標刊本思訛茂

據明史改

明名臣琬琰錄

明徐紘撰

卷九

解縉戶部尚書郁公神道碑侍講華蓋殿中原本華訛
葉據明史改

卷十四

錢文通定西侯涇國武勇蔣公神道碑公與總督兵部
尚書王驥至雲南原本王訛正據明史改

卷二十一

楊士奇詹事府少詹事曾公墓碑曲烈啟封國為氏原

本烈訛冽案通志氏旅畧夏少康封其子曲烈於鄫
今據改

明名臣琬琰續錄

明徐紘撰

卷十

婁諒廉齋先生行狀上召入文華殿從容顧問原本華訛章據明史改

卷十四

尹直少保商文毅公墓誌銘視古名相碩輔如勃之厚重原本厚重訛莫厚據史記改

卷二十二

張訓翰林院檢討白沙陳先生行狀八音中惟石音為

難調原本調訛讀今改

百越先賢志

明歐大任撰

卷二

蔡倫條後加尚方令原本方訛書據漢書改

中州人物考 容城孫奇逢撰

卷一

理學科楊尚書東明條與鄒元標馮從吾羽翼聖學原
本吾訛吉據明史改

卷二

經濟科趙尚書肅原本肅訛翀據明史改

李文達賢條丁丑英宗即位命兼翰林學士直內閣案
直內閣明史作入直文淵閣

卷四

清直科李副使夢陽條外戚寧壽張鶴齡原本鶴訛延
據明史改

卷五

方正科王文莊鴻儒條讀書府中給食授衣原本給訛
續今改

李苑馬士允條如信陽何景明原本信訛申據明史改
卷六

武功科張忠武王條配享成祖廟原本成祖二字訛作
文字據明史改

張忠烈輔條獲簡定於吉利柵之山而歸案吉利柵之
山明史作美良山中

卷八

補逸王布政鈍條藩憲重臣能勝任而久於其職者惟
鈍與雲南布政使張統原本統訛鈍據明史改

戴布政珙條河南澠池人原本澠訛沔據河南省志改

東林列傳

國朝陳鼎撰

卷一

尤袤傳遷樞密院正兼左諭德刊本諭德二字互倒據
宋史改

李祥傳司農寺丞刊本寺訛事據宋史改

蔣重珍傳正論日聞則知君子小人姓名刊本脫日聞
二字 又遷著作佐郎刊本脫著字並據宋史增

卷二

高攀龍傳所著大學初義刊本義訛議據明史改

卷三

左光斗傳光斗字共之案共之明史本傳作遺直

素化中傳素化中字熙宇案熙宇明史本傳作民諧

卷四

周宗建傳瓜抱蔓刊本抱訛絕據唐書改

卷五

盧象昇傳而自督兵出羊房堡刊本堡訛口據明史改

卷六

孫承宗傳以武畧備邊刊本畧訛為又將為敵人設

抑為新兵設乎刊本將為敵人設訛作將敵設乎四字並據明史改

卷七

賀逢聖傳賀逢聖字對陽案對陽明史本傳作克繇

卷八

倪元璐傳我

朝詔卹明季殉難忠臣二十人刊本二十訛十五據明史改

卷九

成德傳贈光祿卿刊本光祿訛大理據明史改

申佳胤傳順數曰命刊本數命二字互訛據明史改

卷十

袁繼咸傳袁繼咸字季通刊本季通訛臨侯案明史本
傳臨侯其號也今據改

卷十一

陳龍正傳龍正上養和好生二疏刊本和訛陽據明史

改

卷十二

黃道周傳降江西按察使照磨刊本照磨訛斷事據明
史職官志及本傳改

林空傳字子野福清人刊本福清訛侯官據明史改
曾櫻傳字仲含刊本仲含訛二雲據明史本傳改

卷十三

王紀傳謚莊毅刊本莊訛忠據明史改

卷十四

孫鑰傳左僉都御史王汝訓刊本汝訓訛用汲據明史
改

江東之傳王宗載前撫江西刊本王訛李據明史改
崔景榮傳擢僉都御史刊本脫僉字據明史增

卷十五

郭正域傳兩淮稅監魯保刊本稅監訛奄稅據明史改
馮琦傳山東臨朐縣人刊本訛作遼東廣寧衛人據明
史改

卷十七

韓爌傳詰戎宜先營衛刊本營訛戎據明史改

卷十八

周嘉謨傳湖廣景陵人案明史本傳作漢川人與此異

卷十九

鄒維璉傳時有宋明時者刊本下時字訛儒據明史改
李繼貞傳字徵尹刊本徵訛散據明史改

毛士龍傳字禹門案禹門明史本傳作伯高

卷二十

侯恪傳恪字木庵案木菴侯朝宗壯悔堂集作若木明
史綜作若樸並與此異

卷二十一

歐陽東鳳傳字千仞刊本千仞訛宜諸據明史改

卷二十二

葉茂才傳時御史湯世濟刊本湯訛唐據明史改

卷二十三

姚希孟傳希孟與姚明恭為考官刊本明恭二字互倒

據明史改

呂大器傳逮問之楊文驄刊本驄訛聰據明史改

金九陞傳而鄖陽巡撫盧象昇刊本鄖訛勛據一統志

及明史改

卷二十四

馮元飈傳字鄴仙案鄴仙明史本傳作爾茲 又與兄
元飈同舉於鄉刊本兄訛弟據明史改

章正宸傳先生當應熊嗣昌國觀延儒輩羣犬亂吠之
時刊本國觀二字互倒據明史改

卷末上

附熹宗本紀封乳母客氏為奉聖夫人刊本聖訛母據
綱目三篇及明史改 又石砮土官秦邦屏刊本砮
訛柱據明史改

二年叅將秦民屏復敗之於乾溝刊本民訛明又溝訛
山並據明史改

卷末下

五年蜀世子至澍刊本澍訛澄據明史改

七年封魏忠賢姪魏良棟為東安侯刊本侯訛伯據綱
目三編及明史改

明儒言行錄

安化縣知縣沈佳撰

卷五

陸震條詔下錦衣獄逮繫月餘拳梏跪於廷原本拳訛
拳據周禮改

卷六

丁璣條稱其中行獨復原本脫復字據周易增

卷七

羅欽順條如一線之貫萬珠原本珠訛殊今改

保越錄

不著撰人名氏

公與將校議曰敵勢遠來利在速戰原本議訛設又
衆皆意其覘謀原本謀訛謀又是日稽山門大軍
議戰復稟公許之原本脫日字今並改增

兩漢博聞 宋楊侃輯

卷一

鳳闕條師古注其闕園上有銅鳳凰即金雀也原本園
訛闕據漢書注改

柱下方書條如淳注方版也謂事在上者也原本複衍
事字據張蒼傳注刪

金人條如淳注祭天以金人為主也刊本脫天字據前
漢書注增

黃石書條見我濟城穀城山下原本脫山字據前漢書

注增

左遷條師古注吾極知其左遷原本吾訛昌據漢書改
醞籍條注後漢第五倫傳三十一原本倫下行叙字又
一訛七並據後漢書刪改

明堂條應劭注三十六戶法三十六旬七十二牖法七
十二候案漢書旬注作風候作雨與此異

卷二

詔板條注後漢竇武傳五十九原本脫後漢二字五十
九三字今並增

閼閼條注車千秋傳三十六原本三訛五據後漢書改
百二條譬猶居屋之上建瓴水也案高帝紀居下有高
字

隋直條師古注隋與峭同峭謂峻陁也原本下峭字訛
峻據前漢書改

卷三

更有三品條如淳注食貨志曰原本缺食貨二字據前
漢書補

詭辯條注趙王彭祖傳原本趙訛韓據漢書改

越騎條如淳注飲飛騎士原本騎訛射據百官公卿表

改

厓上條注武帝紀元鼎四年原本武訛元據前漢書改
先甲條詔曰辛卯夜若景光十有二明原本卯訛亥據
前漢書改

小步馬條烏秬國出小步馬原本秬訛耗據漢書改
宵人條注廣陵厲王傳三十三原本厲訛屬據漢書改
卷四

歇冠條注後漢輿服志原本脫輿字據後漢書增

牢讓條師古曰牢堅也原本脫此六字據師丹傳注增

卷五

倒景條注郊祀志五下原本脫此五字據前漢書增

子午道條張晏注水以天一為牡火以地二為牝原本牝訛牡據前漢書改

河源條西域傳注鄧展曰尚書曰導河積石是謂河源出于積石原本脫鄧展曰三字又尚書曰以下誤作張騫贊正文並據漢書增改

卷六

以日易月注文帝紀後七年原本七訛六據前漢書改
贅婿條應劭注贅婿者言其不當出在妻家原本脫在
字據前漢書增

膠葛條齊摠摠搏摠其相膠葛今原本脫摠摠二字據
甘泉賦增

卷七

么膺條勇如信布強如梁籍原本梁訛項據後漢書改
屬吏條請收屬吏以前洒大王原本脫屬吏二字據漢
書增

卷八

三老五更條注三老扶玉杖五更不杖原本脫五更不杖四字 又天子迎于門屏交拜三老東面原本脫三老東面四字並據後漢書增

駭雞犀條注西域大秦國傳原本域訛城據後漢書改

卷九

幕南條匈奴北徙幕南地空注曰前書音義曰沙土曰幕即今磧也原本脫注曰以下十五字據後漢書增

卷十

原羊條鮮卑出原羊原本原羊訛野馬今改

卷十一

封禪條封太山禪梁父注時上御輦升山即位于壇南
北面原本時訛特據續漢志改

博士十四家條注禮有戴德戴聖原本聖訛勝今改

卷十二

麤糲條注伏湛傳原本伏訛侯據後漢書改

頭山條注云頭山山名也案後漢書頭山作壺頭與此

異

陽月條注馬融傳原本融訛馳據後漢書改

通鑑總類

宋沈樞撰

卷七上

宰相門李穀免朝參令視事案資治通鑑事在廣順二年此列在元年誤

卷八上

將帥門魏人服梁韋叡威名原本韋訛章據梁書改

卷十下

薦舉門漢王章為王鳳所舉條臣所以薦桓譚者原本薦訛為據資治通鑑改

卷十一下

內庫門蜀譙周作仇國論欲乘虛向秦川原本虛訛西
據資治通鑑改

卷十六上

隱忍門東晉謝安為性命忍須臾條咸安元年原本下
安字訛亥據資治通鑑改

禍福門唐王沐求官被誅條沐家于江南原本江訛家
據資治通鑑改

卷十七上

變詐門秦張儀誣獻地條借宋之符原本借訛併據資
治通鑑改

卷十九下

貢獻門漢文帝不受千里馬條文帝元年原本元訛二
據資治通鑑改

背盟門盧坦彈柳晟等條赦令宣布海內原本令訛內
據資治通鑑改

卷二十下

辯士門晉劉輿條越傾膝酬接原本接訛案據資治通

鑑改

南史識小錄

錢塘沈名孫秀水朱昆田同撰

卷一

齊本紀反縛黃麗注梁武帝舊宅在三橋而鳳度之名
鳳翔之驗也原本而下行有字據南史刪

天地圖注初齊高夢履而登殿原本而訛面據南史改
卷二

后妃列傳輿馬相尚注與平章孟靈休原本靈休二字
互倒據南史改

獻中興賦注教六官書學原本六訛大據南史改

宋宗室諸王列傳評米賁錢注米粒皆令徹白若碎折者原本碎訛辭據南史改

卷三

宋列傳自稱鄙人注恩與人語常呼位官原本常訛諱又位官二字互倒據南史改

名子以風月景山水注五子颺肱顙從淪原本從訛從據南史改

酒後好聚衆賓冠注邵陵王綸原本邵訛郡據南史改

卷四

三過五抄注幼年嘗讀五經原本經訛行據南史改
醜老叢來注左右整啟原本闕啟字據南史補

為二百字三刻便成注以上到沆傳原本沆訛偽據南
史改

動足下牀注公事去矣原本去訛士據南史改

鰕魚之十枚注寧可賣餉取錢也原本賣餉二字互倒
據南史改

卷五

珍新注何叔度奉姨若所生原本生訛住據南史改

樊籠之糧注不念杯酌之水原本杯酌二字互倒據南史改

驚巖吐海原本吐訛北據南史改

嵐山封水注雖有舊科原本有訛府據南史改

卷六

齊宗室諸王列傳正是汝老鼠所為注穎達出為豫章

內史原本內訛刺據南史改

得白服裙帽見人主注唯出太極四廂原本四廂訛西

廟據南史改

咫尺之內便覺萬里為遙原本為訛非據南史改

齋列傳非豬即是狗原本即訛如據南史改

變服詐為丈夫注如此伎倆還為老嫗原本倆還訛還之據南史改

此味故為南北所推注崔祖思曰原本祖思二字互倒據南史改

卷七

梁列傳馭二龍於長途注乃以觀為征北行叅軍原本脫乃字複衍征字並據南史增刪

販粟養母注雖自執舟楫閒則習業原本楫閒訛楫閒
據南史改

以銅鼓買朱异作父注詞色少驕原本驕訛文據南史
改

卷八

儒林傳錯采經帕原本帕訛伯據南史改

文學傳我詩應須大材迨之原本迨訛追據南史改

隱逸傳散髮被黃布帔原本被訛破帔訛帔並據南史

改

恩倖傳鴨劑注俗間以細剉肉糲以薑桂原本肉糲訛
肉粽據南史改

北史識小錄

錢塘沈名孫秀水朱昆田全輯

卷一

魏本紀引空弓而落飛鳥注時國俗無彈原本彈訛強
據北史改

良口注買定冀幽相四州饑人原本相訛燕據北史改
卷二

魏宗室諸王列傳累魚成山注同牢之設原本牢訛字
據北史改

卷三

魏列傳粗飯冷菜注劉仁之外似長者原本似訛永據北史改

時有兔在後宮注檢無從得入原本從訛足據北史改未能以玉為寶注方尺四寸藏之海島原本寸訛千島訛鳥並據北史改

卷四

我非奴何忽此授注封休之為燕郡王原本休訛體據北史改

大收典籍原本典下衍集字據北史刪

卷五

齊列傳口手俱足注庫狄士文嘗入朝原本狄訛使據
北史改

卷六

周列傳八柱國家注周文帝原本周訛隋據北史改
更使儂誦五教耶注平陳之後令無長幼悉使誦五教
原本之後令訛後以表據北史改

陳平渡河歸漢圖注以為中書侍郎原本中書訛黃問
據北史改

隋宗室諸王列傳但云大不是注其有深可嫌責者原本深訛笑據北史改

卷七

儒林傳別構戶牖注張吾貴從鄴詮受禮原本禮訛杞據北史改

藝術傳馬上刻漏注世稱其妙原本妙訛巧據北史改

卷八

僭為附庸傳屈丐注卑下也原本卑訛年據北史改
四夷傳羅文白布帽原本布帽訛帶布據北史改

華陽國志 晉常璩撰

卷一

巴志武王既克殷封其宗姬於巴原本封訛以 又巴
國分遠故於盟會希與原本闕與字並據何允中本
改補

漢末政衰條業業仰前修原本前訛有據何本改
江州縣郡治條故世謂江州墮林粉也原本林訛休據
何本改

臨江縣枳東四百里接胸忍原本四訛西據何本改

胸忍縣條山有大小石城並靈壽木鹽井靈龜原本並訛勢據何本改

涪陵郡條世號靈又出涪靈縣郡治原本闕出字據何本補

卷二

漢中志屬賓明珠玳瑁原本賓訛寶據漢書改

南鄭縣郡治條大姓李程趙氏原本氏訛公據何本改
劉先主條又遣副軍中郎將劉封乘沔水會達原本脫

封字據蜀志增

蜀平條去洛一千七百里原本脫里字據何本增

卷十上

先賢士女總讚論遷京兆尹侍中長水校尉原本長訛
張據後漢書改

欽定四庫全書考證

卷三十九

十六國春秋

江南野史

三楚新錄

蜀檮杌

南唐書

吳越備史

十國春秋

朝鮮史畧

越史畧

御定月令輯要

三輔黃圖

淳熙三山志

十六國春秋舊題魏崔鴻撰

卷十一

後趙錄石勒得一刀銘曰石氏昌隸書刊本書下衍注
一作隸書四字今刪

卷十三

俗以介子推五月五日燒死世人為其忌故不舉餉食
去年禁寒食非也刊本非也二字訛在去字上又年
下衍不字並據晉書載記改刪

卷十五

北曰水井臺刊本水井二字互倒據水經注改

卷十九

繼趙冉識書炳然且德星鎮魏宜改國號曰魏復姓冉氏刊本上冉字訛李上魏字訛衛又下魏字下衍注一作衛三字氏字下衍注一作易姓李氏六字案下文閔石虎之養孫父瞻本姓冉魏郡內黃人故閔建國為魏而復姓冉也今並改刪

卷二十三

前燕錄仍縱賊臣屢逼京輦刊本臣訛庭據晉書改

卷二十四

又遣謁者除孟閭丘辛等刊本脫丘字今增

卷四十二

前秦錄韋逞母宋氏其父躬自養之刊本其父二字訛
在養字下據晉書改

卷四十三

後燕錄慕容垂好遊畋嘗因獵墜馬折前兩齒更名為
缺外以慕容缺為名內實惡而改之案齒字下太平
御覽引此書有慕容儁即王位六字蓋垂初名霸其

改名由於僞所謂惡者僞惡之也刊本誤脫

卷四十五

竈口二十餘里刊本口下衍注一作虎口四字案上文
張願進屯竈口下文遂戰於竈口則此注係沿別書
之訛今刪

以高陽王隆為都督幽平二州諸軍事征北大將軍幽
州牧建留臺於龍城以隆錄留臺尚書事刊本牧下
衍農字案此時官制出自慕容垂遣西王農前在龍
城此時已召還為侍中司隸校尉無自建官之理今

據晉紀刪 又魏陳留公拓跋虔使於垂刊本跋下
衍元字案魏姓初為拓跋後乃改為元無兩姓重書
之理魏書署陳留公元虔元是姓非名其稱復姓者
則修史者追書之詞觀魏書標目止稱陳留王虔可
見此書直以元虔為名冠以拓跋字非今刪

卷四十六

慕容寶永康元年十一月庚子朔刊本庚訛甲案下文
有戊午己未日則月朔不應有甲子今據魏書改

卷四十七

遣李旱張真襲誅之刊本旱訛汗據晉紀改

卷四十九

封武興公馮萬泥為尚書令案興晉紀及太平御覽俱
作邑

卷五十一

又為苻后起承華殿高承光一倍刊本倍訛部據晉書
改

卷五十二

屈遵傳為慕容永尚書僕射武垣公刊本垣訛桓據魏

書改

張蒲傳河內修武人也刊本修訛蓐案蓐乃河間郡縣
非河內地據魏書改

卷五十六

後秦錄姚興宏始四年魏因截水中興內外隔絕士卒
喪氣刊本截水中興訛絕其水中據魏書改

秋霜隕箠豈待勁風之威刊本霜訛風據晉書改

卷七十六

蜀錄南夷校尉李毅亦遣叟兵五千助尚刊本叟訛叟

案後漢書劉焉傳馬騰與範謀誅李傕焉遣叟兵五千助之注漢世謂蜀為叟今據改

卷八十五

西秦錄其先有如弗斯引出連叱盧三部案如弗斯引晉載記作如弗斯魏書作如弗又號之曰乞伏可汗託譯莫何案譯晉書作鐸

卷八十九

南涼錄嘉平七年遣平遠乞伏犍虔帥騎五千追儔檀刊本犍訛提據晉書改

卷九十一

西涼錄影絕千色圓而無烟刊本闕訛間今改

卷九十四

北涼錄衆星拱極之道刊本極訛端 又又命王建國
署將相刊本脫王字並據晉書及魏書改增

卷九十五

永和七年賜茂虔死茂虔與公主訣刊本脫死茂虔三
字據魏書增

卷一百

北燕錄孫護傳有犬與豕交護見而惡之刊本脫之字

據晉書增

江南野史

宋龍泉撰

卷一

先主條父榮結交豪傑以任俠為事時羣盜蜂起朱梁
統制天下而楊行密專據淮夷榮欲圖興復聞賊夏
韶之衆甚盛往而說韶韶感其言從之遂率衆自海
入淮掠沿岸郡邑行密帥師攻之數敗乃為所擒因
捕其家盡誅之案陸遊馬令南唐書並稱榮性謹厚
喜從浮屠遊時號孝道者不載求附夏韶為楊行密
所誅之事與此異又時先主方數歲且異常兒濠

上一桑門與行密有故乞收養以為徒弟後行密部下大將徐溫出師濠上見先主方纔豐頤乃攜歸為己子案南唐書先主流寓淮泗楊行密奇其貌養以為子後因行密長子不容遂收養於徐媼亦不載桑門乞養事與此異

卷四

宋齊丘條先主欲致之重位然為溫所忌遂署為府中從事案府中從事南唐書作殿直軍判官

卷五

孫忌條少家貧力學能屬文朱梁主舉進士案朱梁主
舉進士南唐書作忌少為道士

卷六

沈彬條因獻觀畫山水圖詩云須知手筆安排定不怕
山河整頓難案須知二句唐南書作尺素隱清輝一
毫分險阻與此異

卷七

孫魴條夜坐句云劃多灰漸冷坐久席生痕案南唐書
作劃多灰襟蒼虬跡坐久烟銷寶鴨香又題金山

寺過櫓坊僧定原本定訛夢據南唐書改

卷十

朱令斌條趨捷善射鷹目原本趨訛拳鷹訛河並據南
唐書改

三楚新錄 宋周羽翀撰

卷三

高氏諱季興條皆攀援賓友負土助焉原本攀援訛將
拔 又未嘗不厚加金帛購求焉原本加訛無求訛
宋 又致書及數萬卷原本致訛敗今並改

蜀檣机

宋張唐英撰

卷上

王建天漢元年封張飛為靈應王鄧艾為彰順王刊本
彰訛彭據說郭改

卷下

孟昶廣政十二年八月昶遊浣花溪刊本脫溪字 又
都人士女傾城游玩刊本脫士字今並增

欽定四庫全書考證

卷三十九

南唐書

宋陸游撰

卷一

烈祖昇元元年追尊考溫為太祖武皇帝案考五代史作徐太祖二字作忠字與此異

卷二

元宗保大十二年大饑疫命州縣鬻粥食餓者原本鬻訛鬻令改

卷五

查文徽傳盧絳據宣州傳檄至建元原本缺宣州二字

據本書盧絳傳補

卷六

刁彥能傳彥能行酒以爪語烈祖烈祖悟亟起去案五代史作酒至昇以手爪指之八字與此異

卷十三

劉仁贍傳父金事吳武王有戰功至濠州團練使案濠州團練使五代史作濠滁二州刺史與此異

吳越備史

宋錢儼撰

卷一

宋天啟三年高駢為其下畢師鐸所幽原本師訛施據
通鑑改

十國春秋檢討吳任臣撰

卷一

吳太祖世家侯守者易代潛登城啟關守者竟不闔而潰刊本闕訛聞據通鑑改

乾寧四年瑾與裨將侯瓚將五千騎潛度淮水刊本瓚訛瓚據唐書及通鑑改

天復二年天子在鳳翔注為韓全誨等所刦刊本脫誨字據唐書增又馮公遠求堅木故其船堪久用刊本遠訛還據通鑑改

卷二

烈祖世家授渥淮南節度使東南諸道行營都統刊本
南訛道據通鑑改

高祖世家以亳州團練使寇彥卿為東面行營都指揮
使刊本卿訛諫據通鑑改

天祐六年禽全諷及將士五千人注且云兵事神速刊
本速訛連據釣磯立談改

十三年以行軍副使徐知訓充淮北行營都招討使刊
本複衍軍字據通鑑刪

武義元年建宗廟社稷設百官刊本官訛宮據路振九
國志改

卷三

睿帝本紀乾貞元年東海王徐溫卒注五國故事云刊
本事訛國今改

太和三年重建靈寶院注其號為紫陽觀刊本為訛焉
今改

卷五

陶雅傳世咸服其有應變之略注雅典黟川二十餘年

刊本黜訛據九國志改

臺濠傳顧兵踰濠而鬪刊本濠訛濠據九國志改

李遇傳合肥人也刊本缺合肥二字據九國志補又

溫復遣典客何蕘諭遇使自歸案典客五代史作客

將

卷七

劉信傳且授信子彥英兵三千刊本彥英二字互倒據

九國志改

王茂章傳更其名曰景仁已而領寧國軍節度使刊本

脫軍字據五代史增

米志誠傳問瑾所在刊本在訛向據五代史改

卷十一

殷文圭傳草司空李德誠麻注曾草臨川上相麻刊本
川訛淮相訛將並據南唐近事改

卷十三

田頔傳遂敗壇兵于吉陽磯刊本脫磯字據通鑑及唐
書增 又志誠之弓十不當瑾藥之一刊本脫十字
據五代史增 又以此外軍畏之案外五代史作吳

卷十五

南唐烈祖本紀時江淮初定州縣吏務賦歛為戰守案
吏下五代史有多武夫三字

昇元七年性節儉注喚為金奴刊本脫奴字據清異錄
增

卷十六

元宗本紀保大十四年周將李穀敗我兵千人于上窰
注吾軍却唐兵必追之刊本却訛即據五代史改

卷十七

後主本紀後主常造念家山破刊本家訛江據南史書
改

卷十九

從謙傳雅善書法注用宣城諸葛筆刊本脫諸字據南
唐拾遺記增

卷二十

宋齊丘傳字子嵩注初字超回刊本超訛昭據南唐書
改

卷二十一

李建勳傳出為昭武軍節度使莫作尋常刺史看刊本
尋常訛循州據五代詩話改

張廷翰傳論彥能脫永陵于險刊本脫訛托今改

卷二十二

邊鎬傳及克湘潭市不改肆刊本市訛示據南唐書改
卷二十五

張義方傳常令道士陳友合丹于牛頭山注有巨虺火
吻錦鱗蜿蜒其間刊本蜿蜒蛇據南唐近事改

卷二十六

陳覺傳用宋齊丘薦命覺為之佐刊本脫齊字 又御

史王仲璉主其言刊本璉訛連 又相倡和如出一
口刊本脫如字並據唐南書增改

馮延巳傳嘗誚孫晟曰刊本誚訛謂據南唐書改

卷二十七

孫晟傳齊王景達排之刊本達訛遂 又會周將張永
德與李重進不相能刊本脫重字並據南唐書改增
劉仁贍傳仁贍素善射刊本素訛數據南唐書改

卷二十八



韓熙載傳衣冠常製新格注熙載在江南造輕紗帽刊
本輕訛經據清異錄改

徐鉉傳宋師圍金陵後主遣鉉求緩兵刊本緩訛援據
南唐書及宋史改

高越傳保大初文進卒有欲傾其家者越上書訟之刊
本訟訛頌據南唐書改

卷二十九

毛炳傳彭生說賦茶三片毛氏傳經酒半升刊本片訛
斤據南唐書改

卷三十

郭廷謂傳使汝主自守豈能固哉刊本固訛國據南唐書改

盧絳傳問其受刑之地即固子坡云刊本坡訛城據南唐書改

張洎傳因出帛書示之刊本帛訛常據南唐書改又太宗時累遷禮戶二部郎中注亢龍无悔實非臣子所宜言刊本宜訛而又居亢无悔即本此亢龍无悔之語刊本此訛无並據宋史改

卷三十一

洪慶元傳國亡歸宋為寃句令刊本寃訛寃據宋史改

卷三十二

王感化傳感化以詞札上注碧山深洞恣遊邀刊本恣
訛恐據詩話類編改

彭利用傳實可痛心疾首刊本實訛責據南唐書改

卷三十五

前蜀高祖本紀薦樞密使楊復恭代為觀軍容使刊本
恭訛光據五代史及蜀檣杌改 又欲以蜀州來附

敬瑄殺之刊本瑄訛真 又使攻東川以解彭州之
圍刊本州訛城並據通鑑改

卷三十六

武成元年詔重建百神廟於梓潼縣刊本潼訛潼據唐
書地理志改

永平二年合數鎮之驍雄鼓六師之威勢刊本驍訛妖
今改

五年震蒙氏女竊黃帝玄珠沉江而死刊本珠訛殊據
蜀檮杌改

卷三十七

後主本紀命西面招討副使王宗昱殺唐文喬于秦州
刊本宗訛全據五代史改

咸康元年薄暮觀聖燈賦詩而還注泉漱雲根月刊本
漱訛嫩 又渾疑證六通刊本證訛澄 又細雨濕
不暗刊本濕訛漚並據全蜀藝文志改

卷三十八

元膺傳大昌軍使徐瑤常謙素為元膺所親信刊本使
訛師據後卷列傳改

卷三十九

王宗佶傳及皇子宗懿等稍長刊本宗訛元據九國志
改

卷四十

周庠傳墨詔之中淚痕猶在刊本痕訛浪令改

張勅刊本勅訛勅據五代史改

卷四十二

劉隱辭傳遂詠白鹽山灔澦堆詩刺之有樹只知引鳥
雀刊本引訛因據五代詩話改

卷四十三

蒲禹卿傳後主東遊禹卿上表注如論萬乘之居便是
三清之境刊本居訛君令改

卷四十四

鄭藝傳武德軍節度使趙國公徐延瓊碑銘注將亂也
其政必暴刊本暴訛恭令改

總論趙蕤素以節操見而著作鬱然故未可沒刊本脫
未字令增

卷四十六

宋光嗣傳光天中轉宣徽南院使刊本光天二字互倒
據五代史改

卷四十七

僧貫休傳重集許氏說文刊本氏訛文令改

卷四十八

後蜀高祖本紀李良請以東川兵先取遂閬刊本脫兵
字據通鑑增

卷四十九

後主本紀廣政二年引錦溪州蠻焚掠辰澧刊本錦溪

訛獎錦據楚世家改

十四年通奏使高延昭固辭知樞密院刊本脫密字據
通鑑增

二十八年已而賜宴于大明殿刊本闕明字據宋史補

卷五十一

趙季良傳唐徙季良果州團練使刊本使訛史今改

卷五十二

李昊傳後主悲召昊四孫授太子司儀郎舍人刊本司

訛鳳又脫人字據史改增

卷五十九

母守素傳出為雲安權鹽使刊本鹽訛監據宋史改
李匡遠傳年八十二卒注厯昌渝文眉四州刺史刊本
州訛刈據九國志改

韋嘏傳唐相貽範子也刊本闕貽字據唐書補
侯益傳遷武寧軍節度使刊本脫寧字據宋史增

卷五十五

李稠傳仕高祖後主為左衛將軍刊本闕左衛將軍四
字據宋史補

卷五十八

南漢高祖本紀大有十二年秋七月庚子朔日有食之
刊本日有二字互倒今改

卷五十九

中宗本紀乾和四年陳道庠伏誅刊本陳訛劉據五代
史改

卷六十

後主本紀大寶十三年江南國主乃遣給事中龔慎儀
持書遺帝主足下非有不得已之事刊本脫不字據

宋史增 又頃者大朝南伐圖復楚疆刊本圖訛因
又彼此烏合民無定心刊本民訛我並據東都事
略改

卷六十四

鍾允章傳允章迎叱彥真刊本真訛章據五代史改

卷六十七

楚武穆王世家天成二年道過江陵南平王季興執光
憲而奪其物案南平王季興五代史作荆南高季昌

卷七十

周保權傳居人奔竄山谷刊本山訛出今改

卷七十一

廢王夫人某氏傳大破朗兵于僕射洲刊本洲訛河據

五代史改

卷七十三

何仲舉傳輸稅不及限刊本輸訛輸今改

卷七十四

鄧懿文傳為恭孝王所殺刊本復衍恭字今刪

卷七十七

吳越武肅王世家廣明元年親築羅城注適足以自榮
刊本榮訛策據文苑英華改 又昌素愚不能決事
刊本素訛數今改

光化三年王建鎮海軍院使非鐫刻樂石其可久乎刊
本樂訛礫據文苑英華改

天祐二年仍列賓僚將校功臣名氏于碑陰刊本校下
衍賜字今刪

卷八十一

忠懿王世家乾祐二年募民能墾荒田者勿取其稅注

此可知穀賤之由刊本賤訛賦今改

卷八十二

開寶九年宋帝宴餞于講武殿刊本脫武字據宋史增
太平興國三年當武庫戢兵洞閱詩書之府刊本戢訛
職據宋史改

卷八十三

惟濟傳第聲言被盜刊本聲訛奪據宋史改

卷八十四

羅隱傳詩文及謔語常涉刺譏注其事遂寢刊本其訛

兵據五代詩話改

卷八十八

毛勝傳至于七孔賦形治目為最宜授懷奇今史刊本
奇訛寄 又羅幼文刊本羅訛維 又南海詹事屯
江小尉宜授追風使刊本脫使字並據清異錄改增
卷九十一

閔康宗本紀通文四年賜予給賞獨厚于拱宸控鶴二
都刊本拱訛振據五代史改

卷九十二

景宗本紀名曦刊本曦訛義據五代史及通鑑改 又
延義謂康宗使收之刊本康訛景據五國故事改

卷九十三

陳洪進傳留汴京奉朝請刊本脫朝字據宋史增

卷九十四

繼崇傳士卒以使君賞罰不當刊本君訛軍令改

卷九十五

徐寅傳又有賦五卷注磨霜礪雪兮熒煌錯落刊本雪

訛雲據賦彙改

翁承贊傳黃滔為詩榮之注連水關山無故事刊本
訛水據全唐詩改

卷九十七

詹敦仁傳梁復踵其非刊本其訛已據五代詩話改

卷九十八

薛文傑傳惠宗遣弟延宗救之刊本宗訛政救訛殺訛
前卷惠宗本紀改

卷一百五

北漢英武帝本紀天會十三年帝命決城下水注之臺

駘驛刊本驛訛澤據五代史改

卷一百十二

十國地里表南漢辨州注朱全忠以辨汴聲近更名勳
州刊本忠訛州據五代史改

朝鮮史略 不著撰人名氏

卷一

箕子條燕乃攻其西滿潘汗為界原本燕訛然據史記
改又案滿潘汗漢書地理志作番汗屬遼東郡

東扶餘王金蛙條行至掩淲水原本掩淲訛淹淲據漢
書改

卷二

新羅紀新羅遣使如隋條造浮橋以渡大兵原本渡下
衍麗兵二字今刪

新羅王遣伊餐金春秋及其子文汪案餐唐書作贊文
汪作文正並與此異

卷三

聖德王條後改諱興光原本光訛先據唐書改

景德王條諱憲英原本英訛宗據唐改

卷六

高麗紀肅宗明孝王諱顯案顯宋史遼史並作顯與此
異

卷八

康宗元孝王二十年金哀宗天興二年原本哀訛太據
金史改

元宗順孝王七年條王命宋君斐原本斐訛裴據元史
改

越史略

不著撰人名氏

卷上

衍陽王條鬱林合浦交趾九真日南原本林下衍桂州
二字又趾訛州並據史記漢書刪改

御定月令輯要

卷一

歲令天道門緒風注欵秋冬之緒風刊本欵訛欵據楚辭改

十二支注淮南子天文訓注刊本注訛志令改

六甲星注在華蓋之下杠星之旁刊本杠訛扛據漢書天文志改

溫柔剛寒注劉晝新論刊本晝訛颶據讀書附志書錄解題及百子類函改

花信風注立春之一候任春案羣芳譜花類無名任春者以花月令及本草綱目考之此任春係迎春之訛明刻蠡海集並作任春誤

政典門藏冰出水其藏之也周其用之也徧刊本周訛固用訛出據左傳改

定太陽出沒法注正九出乙入庚方刊本乙訛月令改民用門農夫寒暑注捫草耜土手足胼胝刊本草訛莫案漢書貢禹傳草作屮注云古草字令據改

牢九案初學記等書引盧諶祭法及束皙餅賦俱作牢

九酉陽雜俎食品亦云籠上牢九湯中牢九自歐陽
修歸田錄誤為牢九而蘇軾遊博羅香積寺詩陸游
食包子詩因之陰時夫韻府并收入上聲傳訛已久
勢難盡改今存其說於此

荔枝注白如肪甘而多汁刊本肪訛肪據南方草木狀
改

山楂注閩人取熟者去皮核搗和糖蜜作為糕刊本脫
閩字今補

青蒿注秋後開細淡黃花刊本開訛高據圖經本草改

楮樹注一種皮有斑毛花文謂之斑穀刊本脫穀字據圖經本草增

卷二

物候門芸薇菜注秋藥冬馥刊本馥訛馥據拾遺記改蟹異名注秋冬之交稻粱已足各腹芒走刊本脫各走二字據蟹譜增

卷三

每月令政典門諸侯月祭注曰皇考廟刊本脫廟字令增

雜紀門路神通注成式門下騶路神通能戴石六百片
齧破石栗數十刊本栗訛栗據酉陽雜俎改

給山水香注道士譚紫霄有異術閩王祖月給山水香
焚之刊本霄訛青據清異錄改

卷四

春令民用門酒名春注近世裴鉶作傳奇記裴航事亦
有酒名松醪春刊本奇訛青今改

卷五

正月今日次門初一日祠后土注桃花萬騎喧長薄蘭

葉千旗照平浦刊本蘭訛浦據王勃集改

政典門入學習舞注籥師掌教國子舞羽歛籥刊本歛
籥訛歛舞據周禮春官改

卷六

二月令日次門十三日禮部選士注玉海開元二十四
年二月十三日移貢舉於禮部以侍郎主之禮部選
士自此始案玉海引此事在是年三月十二日與通
鑑系之三月壬辰者合是書卷七內三月十二日亦
引玉海此段而此處云二月十三日誤又案唐書選

舉志不標月日

物候門桐花鳳注二月桃花始開是烏鶡鷄其間案此
條以薛道衡杜甫李商隱各詩及李德裕畫桐花鳳
扇賦序證之桃花當為桐花之訛

卷七

三月令節序門竊月注竊孚柄切刊本柄訛柏據經典
釋文改

物候門紫釰樹刊本釰訛鉞案續證類本草紫釰乃麒麟
竭樹枝間蟲所結如白蠟今人用以造胭脂亦引

酉陽雜俎為說今據改

卷九

四月令日次門初四日五臺慶雲注唐憲宗元和十五年四月四日裴度奏五臺山佛光寺慶雲現刊本憲宗訛穆宗據唐書改

民用門桑椹酒注四民月令刊本民訛時令改

鮓魚注每四月鱗魚出後即出刊本鱗訛鮓據本艸綱目改

卷十一

六月令日次門十三日魏徵諫錄注贊事德宗仁義為
空言徵事太宗仁義為實效故程大昌請以此接續
觀覽刊本脫贊字據玉海增

卷十三

秋令天道門太白注張衡週天大象賦案此賦今本題
黃冠子李播撰宋館閣書目題張衡撰考張衡著靈
憲未嘗賦週天大象李播即淳風之父仕隋後為道
士賦末所以有少微養寂卷舌幽居之語又賦中有
殷馗識曹操事其非出漢張衡可知但宋趙希弁讀

書附志信為張衡撰姑仍其舊

卷十四

七月令天道門流火注敬括詩前庭一葉下言念忽悲
秋刊本庭訛逢據全唐詩改

卷十六

九月令日次門初九日桑落酒注即炊米九斗為饋刊
本饋訛饋據齊民要術改下並改

雜紀門赤爵銜書注史記周本紀有聖瑞注刊本注訛
疏令改

卷十八

十月令日次門初四日進御筆注三省進神宗御筆一百七十五策刊本脫一百二字據玉海增

卷十九

十一月令節序門坎音注壝坎音也壝之為言勲陽氣於黃泉之下勲蒸而萌刊本勲蒸訛默蒸據白虎通改

民用門瑰蓐注蓐菜十一月萌在泥中穊短名瑰蓐案瑰齊民要術作環詩疏廣要作瑰並與此異然揆其

義塊字為長

卷二十

十二月令政典門制陣法注每歲季冬折衝都尉率五校之屬以教其軍陣刊本校訛教據唐書改

立石九經注字樣四十九卷案金石文字記引會要作字樣四十卷今考張參五經文字三卷唐玄度九經字樣一卷宜作四卷為是云四十卷及四十九卷者並誤

雜紀門謝良輔憶長安十二時詞刊本脫詞字今增

卷二十二

晝夜令政典門奉璽程注奉璽書使者乘馳傳晝夜行
千里為程刊本乘訛愛據漢舊儀改

物候門有情樹注頓遜國有樹花如牡丹種有雌雄必
二種並種乃生刊本頓遜二字互倒據梁書及酉陽
雜俎改

卷二十三

雜紀門期蘆碕注與子期甫蘆之碕刊本重衍一之字
據越絕書刪

日反三舍注魯陽公與韓構難戰酣日暮援戈而撓之
刊本構訛遺據淮南子改

卷二十四

時刻今天道門九州七舍注至於淵隅是謂高春刊本
隅訛虞檢淮南子亦誤今據初學記改

日行異名注日初出曰明將暮曰薄暮案初學記引纂
要明作旭將暮作將落與埤雅異 又日溫曰煦刊
本溫訛午據埤雅及初學記改

政典門蓮花漏注銅鳥引水而下注金蓮浮箭而上登

刊本下注訛下汪據玉海改

物候門古鏡注洞天清祿集案格致叢書唐宋叢書有
宋趙希鵠洞天清錄此祿字誤

雜紀門朝衙夕坐注蘇軾杞菊賦刊本杞作枸據本集
改

三輔黃圖

不著撰人名民

卷一

三輔沿革條董翳為翟王都高奴刊本翳訛醫據史記改

卷二

長安九市條廓開九市通闌帶闐旗亭五重俯察百隧刊本廓訛郭五重訛重立並據文選改

長安八街九陌條參塗夷庭街衢相經刊本衢訛街據文選及賦彙改

漢宮條粉詣天梁竒寶鼓簧等宮刊本複衍天字據漢書刪

卷三

甘泉宮條武帝披其手得玉鉤而手展刊本披訛及據列仙傳及西京雜記改

卷四

池沼條天子遣使求身毒國市竹注從東南身毒國可數千里得蜀賈人市刊本南訛來又時粵欲與漢用船戰逐刊本粵訛越漢訛漢並據漢書改

太液池中起三山注于地下為機械以測昏明刊本
誤是測訛則 又蓬萊山亦名防丘亦名雲來刊本
來訛東 又方丈之山一名蠻雉刊本雉訛維並據
博物志及拾遺記改

卷五

明堂條漢武帝造明堂注明堂中有一殿刊本一訛四
據漢書郊祀志改

社稷條元始四年始立官稷注器成匏勺貴誠因質刊
本誠訛賤 又甘泉太陰刊本陰訛陽 又在易泰

卦刊本在易訛正月並據後漢書改

觀注漢博士劉熙釋名曰觀觀也刊本熙訛熹據書錄
解題及文獻通考改

淳熙三山志

宋梁克家撰

卷二

榮親里注知溫州永嘉縣原本溫訛濕令改

卷八

城隍廟注西漢御史大夫周苛也原本苛訛昔據史記

改

卷十

墾田注沈存中筆談原本中訛申令改

卷十一

官莊田注於以資助經費原本資訛攻今改

卷二十一

唐循中注福州先有泉山府兵原本兵訛共據唐書改

卷三十五

靈峰院注潮落海門高原本脫海字據陳襄集改

卷三十六

黃蘗寺注閩雲連越邊原本閩訛關據江淹詩改

閒居院鳥窠岩注初鳥窠遊餘杭巢木杪而居原本杭

訛侍又脫木字並據高僧傳改增

